

JOANNIS CRÜGERI,  
Philosoph. & Med. Doctoris, Illustriss.  
DNN. S. R. J. Comitum Schönburgicorum Pöni-  
censis & Glauchaviensis Archiatri

# CASUS MEDICUS

De

## MORBO LITTERA- TORUM,

Sive

## AFFECTIONE HYPO- CHONDRIACA,

Annexis in fine quibusdam Corollaris,  
Autorum allegatorum Indice, & resolutione brevi  
Aphorismi III. Lib. V. Hippocratis.

---

ZITTAVIÆ,

Sumptu JOANNIS WILISCHII, Bibliopolæ.

Litteris Michaëlis Hartmanni.

Anno M DCCIII.



Post.

Deum. Trinunum.

Ter. Optimum. Terqve. Maximum.

Vitæ. Meæ. Et Felicitatis. Sum-  
mæ. In. Academia. Studiis.

Meis. Concessæ, Conser-  
vatorem. Clementisfi-  
mum. Et. Propaga-  
torem. Omnipo-  
tentissimum.

Perillustri.

*Generosissimo. Atque. Excellentissimo.*

**DN. JOANNI. HENRICO.**

L. Bar. à. Pottenfels.

S. R. J. Equiti. Sacratissimæ. Cæsareæ. Majestatis.

Confiliario. eminentissimo. Illustriss. Dnn. S. R. J. Co-  
mitum. Schœnburgicorum. Regiminis. Dire-

ctori. qvam. gravissimo. &c.

Dynastæ in Saalborn, Pfingstal. &c.

Domino. ac. Patrono. meo.

Colendissimo.

A 3

Hunc-



Huncce. qualemcumq; laborem.  
meum.

h. e.

Casum. Medicum.

De.

Morbo. Litteratorum.

Sive.

Affectione. Hypochondriaca.

In. Memoriam. Grati. Mei. In. Nomen. Tuum.  
Perillustre. Animi. Pro. cunctis. beneficiis. in. me. im-  
meritum. ubertim. collatis. &. propensa. benevolen-  
tia. sempiternam. ut. &. observantiæ. debitæ.  
meæ. tesseram. una. cum. splendidissimo.  
Incrementi. &. felicitatis. omni-  
genæ. voto.

Humillime. Et. Devinctissime.

Sacrum. facit. Dicat.

Offert.

Joannes. Crügerus. Philos. &. Med. D.

Qva:





**Q**ualis in æternum WEDELI gloria fulget,  
Talis in orbe SUI splendet imago nova,  
Inclyta TU proles doctæ, CRÜGERE, Minervæ,  
Cognati seqveris splendida vota tui.  
Doctis illustre exemplum præbetis uterque,  
Hinc VOBIS merito fama perennis erit.

*Benevolentia caussa  
scribebat*

**Jo. Phil. Ringlerus, J. U. D.**  
Consiliarius Aulæ & Justitiæ  
Ducalis Saxonicus.



**Q**uam fit dira Lues, quæ nostra *hypochondria*  
vexat;

Demonstras Scripto, *Fautor Amante*, Tuo,  
Vix semper morbo huic medicamina mitia profunt;  
Ægris interdum vel graviora nocent.  
Auguror. Hanc Victor si Tu deviceris Hydram  
Lernæam, credas, Hercule major eris.  
Nec me desperare finunt felicia Fata;  
Fata Tuas, Medicas concomitata manus.



6  
❁(❁)❁  
Perge Machaōnias scriptis ditasse Camœnas,  
Et Medicas ægris applicuisse manus.  
Sic Te, *VVedelius*, propinquo stemmate natum,  
*VVedelii* semper *Fata Decusq;* manent.

*Mente manuq; sincerâ ac gratulabunda  
scripsit*

L. Gottlob Behrnauer.



**Q***Vid prodesse potest Medicina, haud nos later  
istud,*

*Ægris, affixi qui lecto non leviter sunt.  
Nam Tuus hicce docet nos Casus, Amice suavis,  
Curam habitam monstrat simul ac hypochondrii  
dextri:*

*Gratulor hinc, &, pergas ut feliciter, opto,  
Hâc in Praxi Tua, Tibi quam benedicat Jova.*

*Pauca hæc Excellentissimo Dn. Auctori, Fautori  
suo colendissimo, in debitæ observantiæ  
τεμπήριον gratulabundus ad-  
jiciebat*

C. R. H. Med. Cand.

Sem-





**S**emper amant aliquid Docti depromere, laudes  
 Quò possint meritas conciliare sibi.  
 Sic Tua delectant & profunt scripta, Tuumq;  
 Illustrant doctum laudibus ingenium.  
 Hinc Tibi de egregio grator, *Doctissime*, foetu,  
 Ut semper possis laude & honore frui.

*Hæc pauca in Nobilissimi pariter & Experientis-  
 simi Domini Doctoris honorem addere  
 volebat Ipsi  
 addictissimus*

**Martinus Radmacher /**  
 Præfecturæ Sprembergensis  
 Actuarius.



**S**Ævities morbi varians reperitur in orbe,  
 Quæ premit infirmo langvèntes corpore vires.  
 Mox cephalæa caput vexat; mox luminis orbes  
 Qui ceu crySTALLUS lucent, ophthalmia turbat;  
 Mox hæmorrhagiâ fiunt hî corporis artus  
 Exangves; tussis mox, pleuritisq; phthifisq;;  
 Colicus hîcce dolor; mox corpore langvor aqvofus;  
 Mox variæ sortes quas vendicat horrida febris;  
 Et quis morborum species numerare valebit?

**Quas**





Qvas tradunt Medici, monstrat rerumq; magistra,  
Membra trahunt qui hominum passim pallente  
dolore.

Scilicet, humanum si hydraulica machina cor-  
Fit citò, cannalis rumpatur ut unus & alter. (pus:  
Sed Physiologiâ quærent symptomata cuncta,  
Atq; Pathologiâ norunt; medicamina tradunt  
Qvalia quanta docet, svadet Therapeutica grata,  
Hi qui Pæoniâ semper versantur in arte.

Artibus his cunctis laudem palmamq; mereris,  
Qvam Nymphæ meritò Tibi dant Musæq; Salanæ.  
Qvid valeas illâ, simul hâc aut quicquid in ista,  
Discursu narras, & felicissima praxis  
Patria quam vidit carissima, comprobat istud;  
Qvodq; scias nobis, referunt *Hypochondria Docti*,  
*Casus* quæ monstrat *Medicus*, quemque edere gestis.

Gratulor ex animo de tam schediasmate docto;  
Gratulor & lætor variò quò mactus honore:  
Adsit porrò Tuis coelestis gratia coeptis,  
Sic placidoq; *Salo* duces Tua candida vela.

*Hisce Excellentissimo Domino Autori, Fautore  
suo honoratissimo applaudebat  
Spremergæ*

**Michaël Sehmann**  
S. Theol. Cultor.





לימך יהור  
חיי וגורלי

## Procœmium

Ad

### *Benevolum Lectorem.*



I unquam ullus affectus contem-  
platione æque ac proluxa ventila-  
tione dignus exstiterit, omni pro-  
cul dubio Hypochondriacum esse  
duco, qui sane non unam partem  
in sese continet ægre affectam; Il-

le enim est morbus, quo, qui corripuntur, omnem  
litterarum venam, omnem hilaritatem, omnem fer-  
me societatem abjicientes honestam, aut quandoque  
vili æstimantes quasi fugiunt: Dolorē sentientes non  
exiguū modo in hac, modo in illa corporis micro-  
cosmici parte, ita, ut lucubrationes, meditationes aliasq;  
delectationes secundum eorum opinionem licitas an-  
tea amantes, & malum sæpe subsequiturum haud co-

B

gi-



gitantes, jam cuncta cum molestia & absq; ulla hilaritatis agant scintilla.

Quid enim optabilius, qvid gratius, qvid præstantius Machinæ Hydrostaticæ & pnevmaticæ microcosmicæ à summo Jova, mundi Olympiq; Fabricatore concedi potuisset, excepta sanitate: Eam certe esse haud ignoro, quæ omnes nostros labores actionesq; dirigit, quæ ad nostra studia feliciter continuanda certoq; temporis intervallo pro voto in eruditionis officinis absolvenda mirum quantum facit, & quæ nullum persentiscimus dolorem, ut taceamus morbum.

Quæ cum ita sese habeant, nihil erit miserabilius, nihil ploratu dignius, nihil, sanitate, exitiabilius, incomparabili & pretiosissimo hominum thesauro amittere, adeoq; hominem fuisse desinere sanum.

At hæc amissio sanitatis non potest non variis in casibus, inprimis autem in affectu hypochondriaco accidere, morbus si vel maxime sit chronicus; attamen mors tandem ob Symptomata multa, morbo ipso graviora, secundum effatum *Rhodii divini lib. 2. de morb. text. 147.* Ἡ δὲ νῆστος χρόνιον, καὶ ἀπογρησάσκειν τας ἢ μέλη ἀπολείπειν. ἢ δὲ μὴ, συναποθνήσκει. *Morbis est diuturnus, ut non nisi devexatos egros & consenescentes deserat, quando relicturus est, alioquin ad mortem usq; comitatur, hujus malum non raro facit finem.*

De



De hoc igitur morbo litteratorum sive affecti-  
one hypochondriaca ad nonnullorum magni æstu-  
mandorum Amicorum desiderium Casum prelo sub-  
jicere & edere mecum constitui; Ast spe teneor cer-  
tissima firmissimaque, fore, ut *Benevoli Lectores* Phi-  
losophorum Ephecticorum more  $\Phi\epsilon\xi\text{iv}$  non tantum  
amaturi, ad sensum cohibitori, cunctanter tandem  
& lente sententiam prolaturi sint, ne leges in censen-  
do æqvitatibus videantur transgressi, sed omnem & sic  
moturi lapidem, ut ab æqviori eorum judicio & hu-  
manitate identidem vires meæ exiguæ reficiantur,  
quandoquidem in magnis & voluisse sat est. Faxit  
Jova summus & Archiater Archiattrorum, ut Ars ser-  
vandorum hominum, cui suo suffultus auxilio me  
totum in hunc diem usq; mancipavi, cum nostra Pra-  
xi Medica præsentanea in Nominis sui sanctissimi  
honorem & multorum ægrotorum vergat Salutem  
& emolumentum.

## Historia.

**L**itteratus *XXII*. annorum, temperamenti cholero-sanguinei, sta-  
tura mediocri, vitam agens sedentariam, habitu corporis macilen-  
to, somno non raro indulgens meridiano contra consuetudinem ob  
ventriculi langvorem, appetitum ciborum velut fumo induratum &  
muria conditorum, una cum paucis cerevisiæ potu summa sine  $\delta\upsilon\sigma\Phi\omicron\epsilon\text{ia}$   
sentiens, ast hæmorrhagiam narium ter quaterve de die patiens; Jam  
verno tempore conquerebatur de Ventriculi  $\delta\upsilon\sigma\pi\psi\text{ia}$ , faciei calore præ-



ternaturali, lassitudine totius corporis, & dolore & ulceribus dorsi; Tensiones; Βορβορυμὸς æstusqve persentiebat in hypochondrio dextero, & ob pulsum celerem cor angustabatur somnusqve turbabatur propter auris utriusq; tinnitum & cephalalgiam, & si vel maxime somno noctu præcipue indulgere aliquando videretur, tamen omnia dicta auribus accuratissime ab illo percipiebantur: Toto de die saliva salsa exspuebatur simulqve acida; Alvus non satis respondebat officio suo, multos flatus cum scybalis excernebat & pariter pingvem materiam sevi instar emittebat. Urina erat tenuis coloreqve constabat purpureo, siue flammeo. Post cibum, tempore præsertim meridiano sumptum, ructus aliquando nidorosi, aliquando percipiebantur acidi. Ideo, majora timens mala, cachexiam nimirum, petebatur consilium.

Ἀνάληψις.

**A**ffectus, quo æger noster detinebatur, erat Hypochondriacus, omnium penitus morborum quasi radix, seminarium, origo & Mater, ob proventum plurium symptomatum, quæ illa etiam morborum forma conjuncta sunt, atq; idcirco cognitu satis ex fundamento δυσαλγίης, quem affectum Medicorum Coryphæus Caus divinitus ἀνάληψιν, siue ἐνδογενήσιν, morbum appellat ficcatorium, aut resiccativum, ob excrementa fortasse sicca & alvum tardiolem, & quia tabescentiam haberet conjunctam, vid. Highm. Exercit. II. de Pass. hypoch. pag. 109. & Chimiæ nobilissimæ dediti Tartarum hypochondriorum, aliq; morbum litteratorum quandoq; digitant, quoniam Mularum filios, laborantes intemperie studiorum, nec motu torporem excutientes corporis, nec somno sufficienti eundem concedentes animo, præcipue corripit, vid. Illustr. Georg. V. Wolffg. V. Vedeli, Patroni ac Præceptoris mei nunquam non Colendissimi Exercit: Semiotico-Patholog. pag. 124. Pergamensis lib. III, cap. X, de loc. aff. ὑποχονδριακὸν τε καὶ Φυσῶδες νόσημα vocat;



cat, unde natum commune hodie arbitrer & adhibitum tantum non ubiq; nomen, quando malum, vel sine, vel cum epitheto omne, secundum *Excell. D. Martini in Dissert. sua elegant. de calculo Renum & Vesicæ p. 18.* vel malum doctum ab *Anonymo quodam p. m. 171.* passio, affectio, affectus hypochondriacus ab hypochondriis semper ferè affligentibus dicitur, & *qvi v̄ōōs épuyuaīōdes* s. ructuosus adpellatur, in quo frequenter eructet æger, & dolor à visceribus ad imum ventrem & laterum mollitudinemprehendat, venter inflatur & dure scat, *Gorraeus de Morb. lib. 2. pag. 27.* Ab origine Græcanica *ὡπὸ τὰ χόνδρα*; hæc denotatur regio sub cartilaginibus existens, dum à xyphoide scil. & costarum ambitu spuriarum definitur, & præsertim ab illa utrinq; ad ilia protenditur, & non solum epigastricam, sed viscera quoq; interiorius condita includit; At cui parti præ aliis, cum non paucae deprehendantur sub illis, debeatur, inter sese dissentiunt plurima Medicorum celeberrimorum ingenia excellentissima. Alia enim in communem quasi afflictionem conspirare dicunt, alia propriam magis partis alicujus affici putant; Lienem alia, alia Hepar, utut illud in nostro ægroto magis affectum fuisse eo curatius animadverti, nam in dextro duntaxat hypochondriorum latere æstum persentiscere apparebat insignem, in sinistro verò nullum; quædam mesenterium, quædam arteriosa & venosa vasa mesenterio circumjacentia, multa ventriculolum solum, non pauca intestina & ventriculolum pariter, alia pancreas pro parte *πρωίως* affecta perhibent.

Quoad Essentiam referri potest morbus hic cum ad temperamentum, tum ad conformationem. In illo non tantum occurrit constitutio viscerum humido sufficiente carentium perturbata, sed sanguinis & *δυσανεμία*, calida in statu hoc præsentis & sicca, quæ facit, ut tonus eorum magis magisque



exsicceetur & consequenter cum δυσφορία adstringatur æq; ac in officio suo tardus reddatur; In hac autem omne absolvit punctum, ἐμπεραξίς in ægro nostro hepatis πρώτως καὶ κυρίως, lienis δευτέρως una cum vasis mesentericis & lacteis, unde excrementa ex voto non succedunt, debitis locis ubi evacuatio illorum rite institui debeat, sed restagnat, imò ipsa adeo περιφροία sanguinis per vasa lymphatica deferenda inhibetur, ut & humoribus cholericis-melancholicis calor præternaturalis excitetur, acuatur & sic serum imminuatur.

Huncce in ægroto nostro præclaro adesse affectum, in Historia commemorata signa sufficienter ostendunt, & quidem (α) τὰ κατὰ τὸν τῆς νόσας λόγον ἐνέοντα, *Essentialia*, sive *Essentialiter Inherentia*, quæ alias, *Pathognomonica* dicuntur, viscerum δυσκροσία, calor faciei præternaturalis, totius corporis lassitudo, adeo, ut metus cachexiæ videatur adesse.

(β) τὰ ἐπισηώδεια, *Postessentialia*, sive τὰ ἐξ ἀνάγκης ἐπόμενα, *necessario consequentia*, symptomata idem clarius confirmant: Tinnitus aurium, cibi inconcocti ob viscerum ἀνίστασιν, pulsus celer cordis, vitæ fulcrum & fons, ab hostilibus fuliginibus noxiisq; & acribus pariter angustatus vaporibus, ἀγρυπνία, flatus, ructus, aliæque calamitates plures.

(γ) *Causæ προηγμένα* sunt vita sedentaria, lucubrationes & mala victus observatio.

(δ) *Similitudo* idem patefacit, observato hypochondriorum dolore & ardore, dictum est, affectum existere hypochondriacum, illud igitur & hic jure meritoq; locum inveniet.

(ε) *Pars affecta* s. *Subjectum primarium* est Hepar, hoc quippe præ aliis laborare, situs ejusdem ubi recumbit, demon-



monſtrant, æſtuante quaſi & dolore gaudente dextro latere. Afficitur hepar in hoc affectu, ut pars *homogenea*, ſive *ſimilaris*, temperata, ratione componentium partium, quatenus iſtæ mutantur in *δυνατότην*; ut *heterogenea*, ſive *diſſimilaris*, ratione meatuum, vaſorum ductuumque; arteriarum reſpectu, quarum obſtructio maxime accuſatur, quæ in cauſa eſt, ut Ventriculi *πένες* beneficio caloris vitalis vel Biolychnii ritè fieri nequeat, ut ſanguis impurior magis evadat & motum cordis producat inordinatum.

Subſtantia hepatis ab Autoribus non una aſſignatur. Antiquitas veneranda dixiſſe contenta erat, eſſe carnem parenchymaticam, h. e. talem, quæ a circumfluo ſtamina ſanguine, ibiq; concreto ſit generata: Vel ſecundum celeberrimum *Barthol. in Anat. p. 130.* dici affuſionem *παρέγχυμα*, quia affunditur vaſis & ſpatia inter hæc replet. Noſtrum tempus, cui in talibus ingens quædam lux ſingulari Dei Teroptumi Terq; maximi beneficio exorta eſt, ejuſq; Anatomici non contenti, hac ratione penitus inſpicere in hoc viſcus nobiliſſimum & examinare ad amuſſim magnopere laborare, quos inter præclaros erunt *D. Tauri in Anat. nov. rational. cap. 9. pag. 150. & 151. & Blaſ. in Zootom. p. 105. & 103.* ſtatuentes, membrana tenui illud eſſe veſtitum viſcus, quod venæ a Porta & Cava, arteriæ à magna, præter bilis vaſa perreptant lymphæ itidem ductus & nervi a meſenterico plexu, accedunt, uſui bilis & ſeri ſeparandi perutile adeoq; ſanguinis increſſationi inſerviens. Jam vero ſeſe exerens in literato noſtro *ὀξύνογία* ſatis abundeq; docet, bilem hepar non rectè ſegregare, affricata quadam à liene labe, in ſuo *καθαριςμός* munere, vel calentioſiorem & fervidiorem ob intemperiem progignere.



*Subiectum secundarium s. adequatum, quod nonnullifocum appellant, potest quasi tota esse machina microcosmica, ratione remotius diffusi sanguinis acris, biliosi & ratione protensi proximius doloris & fervoris, partes potissimum vicinæ, symbolicae, & cum hepate consentientes, hypochondria, renes, pancreas, intestina, ilia & mesenterium, quod pars adfecta præcipua denominatur à Fernelio, tanquam sentina corporis, non exclusis tamen visceribus, ad mentem Cratonis consil. 185. hepate cum primis calido & liene frigido. Hinc vero bilem tam flavam, quam atram gigni, obstructions mesenterii oriri, flatus ad caput & pectus ferri, non excludendos utiq; meatus quoq; aliorum viscerum, ut canalem Virsungianum, ab Inventore Italo, Virsungio dicto Regn. de Graaf. c. 1, de succo Pancreatico p. 509. cum pancreate; vasa & lactea jam demum anno vigesimo secundo præteriti seculi inventa ab Asellio Ticinensi vid. ejusdem sc. Casparis Asellii, Cremonensis Hist. Anat. Vasorum Chyli, Thom. Barth. de lacteis venis c. 4. Tom. 2. pag. 636. & 638. & Hieron. Barbatii Dissert. Elegantissima de Sanguine & ejus Sero, pag. 7. Vasa chylifera Pecqueti, quibus de Thom. Barthol. Hist. anat. de lact. Thorac. cap. 6. & Pecq. Experiment. nov. anat. c. 3. & 4. & lymphæ ductus Barthol. v. ibidem Th. Barthol. Vas. lymphat. Hist. Hippocrati & Galeno hos ductus lymphaticos non incognitos fuisse probare nituntur Jacob Spon. Aphor. nov. Sect. 1. Physiolog. pag. 47. & 48. Joh. Theod. Schenckius Synops. Institut. Medic. Disput. Sect. 2. art. 6. pag. 137. cum circulari sanguinis motu ab acutissimo Harvæo primum reperto, vid. Jo. Valæi Epistol. 1. de motu chyli & sanguinis pag. 146. in Barthol. Anat. Reformat. sed monachum fratrem Paulum Servitam ante Harvæum & venarum notasse valvulas & sanguinis circuitum, ostendit Andreas Casalpinus, Archiat. Pontif. Rom. Clement. IX. lib. 2. Quæst. Med. Art. 17. notante Almelov. §. 28. p. 221. & seqq.*



Ab hoc enim Servita, Veneto celebri, Vir eruditissimus Gvilielmus Harvæus sanguinis hunc motum accuratius paulo indagavit, inventis auxit, probavit firmitus & suo divulgavit nomine *Val. l. c.* interim tamen haud detractaturus gloriam hac in parte, sed multo potius ob certas auctoritates ac rationes *soli* Harvæo gloriam tributurus sum; Verum enim vero horum omnium affectus p. n. in hypochondriacis varios se offerre, nomen ipsum satis contestatur, plerasq; partes *ἡ νόσος συνπαθῆναι* sitas *συμπαιθῆναι*, sive per consensum & *κοινωνίαν* affici & inter se invicem non bene se habere experientia, quotidiana rerum omnium magistra satis loquitur, morbum quippe compositum ex pluribus esse cum omnibus Medicis statuo intemperiei partim, suo sensu ritè exponendæ, partim conformationis p. n. respectu meatuum obstructorum, maximâ quæ ex parte supra sunt examinata.

*Causa immediata* hujus mali est præparatio & depuratio sanguinis læsa, cum chylus in corde nec rite *ζυμῶσθαι* excoqui, nec excrementa in hepate aliisque visceribus separari solent.

*Causæ proximiores mediatae* sunt humores varii generis, sive in hac vel illa corporis parte, præcipue in hypochondriis geniti collectique, sive aliunde illuc missi, ut (1.) cholericis, sive particulis alcalinis volatilibus, mercurialibus & sulphureis pollentes; (2.) melancholici, sive abundantes particulis salinis fixis, acidis, tartareis; (3.) Phlegmatici, sive pollentes particulis magis frigidis, aquosis, pituitosis & ferosis, manifesta quippe in ægro nostro extant signa.

Chimici alii salinum principium accusant, ob partes resolutas quadrangularibus, sexangularibus, septangularibus & sic porro, prius gaudentes spiculis, salia enim angulatâ esse



esse distorta figura, verissimè dixit *Democritus* testante *Aristotele* lib. περὶ αἰσθήσεως καὶ αἰσθητῶν cap. 4. εἰς τὰ σχήματα ἀνάγει τὰς χυμῶς; unde acrius fit & humores alios, nec in excessu, nec in defectu peccantes, contagio inquinat.

Tanta enim in humoribus humani corporis hæ virtutes efficiunt salinæ, quanta nullæ aliæ eorum particulæ efficere præsumuntur. Humores sine iis neq; generantur, neq; moventur, neque consistunt, neque fermentantur, neque transmutantur, neque præservantur à putredine, neque facili negotio putrescunt, quia salia magis homogenea sibi, nec sulphur vel plurimum habent, vel, quod possident, æque resolvi patiuntur, neque colores, odores proferunt & sapores, cum nulla materiæ modificatio sine harum concurrente ope fieri potest ut & comminutio. Non sane ignoravit hoc *Cous* noster, quando *Alcali* manifeste posuit in bile, lib. 3. de *Dieta acutorum* text. 38. cum docuit, bilem cum acido pugnare & effervescentiam producere, atque ab eo nimirum acido destitui; quod fieri haud posset, nisi alcalini generis esset: ast acidum collocavit in sero lib. 1. de morb. mul. cui sedem tribuit in liene, unde in reliquas partes deportatur & passim in lib. de vet. Med. *Rhodus* exposuit falsum &c. extare in corpore nostro, sed permixta aliis particulis haud percipi, nuda vero facta apparere & apprimè lædere. Legi quoque exinde merentur summo cum studio *Perillustis Wed. Dissert. de Sals. Aust. Amar. & Acid. Natura Usu & Abusu*, singularibus laudem encomiis ad astra evehendæ.

Tartarum quoque alii condemnare cogitant à sanguine nulla ratione sepositum, hanc igitur ob causam, quin itidem obstructions, quæ nihil aliud sunt, quam pori viscerum & cribrorum minus patuli, quam mucilago tartarea se



sefe insinuans, quam fluidorum crassities & mobilitas, circulus si non in vasis, tamen in poris minus integer, accumulet causetq;, nullus dubito.

Effervescentiam quidam Medicorum vitiosam succi pancreatici & biliosi accusant, exuperantibus, sive prædominantibus sic sulphureis bilis particulis, ut mare microcosmico-pacificum, h. e. sanguis in homine ex hisce fluctuare inchoet, motuque acquisito impetuosiori & rapido meatus & parietes suos s. limites non ita blande, ut alias alluat, & transeat, sed jam hic, jam illic fluctuando in hypochondriis imprimis, fervorem, tensionem, dolorem & alia mala complura inferant, statim hic, statim illic fremendo & effervendo irruat & diruat, deficiente verò tum acido rite volatilificato, tum pituita, sive sero non fluitante.

*Remotiores inter Naturales* (a) obtinet locum Temperamentum calidum & siccum respectivè, Ventriculi vero humidum & frigidum, quod ex cibis inconcoctis interdum apparet, & hepar calidum sibi invicem nocent damnosa & inutili μετὰ ἀλλὰ γῆ.

(b) *Non Naturales* τὸ σῶμα ἐξ ἀνάγκης ἀλλοιούμενα, corpus nostrum necessario immutantes, haud veniunt contemnendæ, ut *Aër* non adeo purus, variis inquinamentis, verno cum primis & autumnali tempore infectus, quæ inspirando sanguini communicata in locis depurationi destinatis non facile secedunt, indeque sanguinem rubrum, purpureum certo respectu, occupant. *Cibi* δύσπεπτοι, pravi succi, falsi, indurati sua natura impurum sanguinem, crudos, crassos & acidos humores generant. Potus quoque paucus efficit, ut cibi in Ventriculum transmissi non nequeant non concoqui & serum



salum, acidum modificari, adeoque non mirum erat, calorem hinc p. n. passum esse ægrum & siccitatem magnam plurimis in corporis partibus; in restringendo igitur calore p. n. & siccitate, opponuntur sua contraria, idcirco oportebat rem potabilem adhibere penetrantissimam, quæ mutare in statum alium poterat illas partes, quibus de infra.

De Motu effatum Socratis elegans & lectu dignissimum est, labore occupari ex usu hominis & bonum, & contra otiosum esse noxium & malum, operari bonum, otium malum. Motus itaque & excessivus & defectivus, ut in ægro nostro medium haud observatum erat, ad malum hypochondriacum struit viam, vappescit enim & lentescit sanguis, & serum in humano corpore ad obstructions redditur fat aptum, inde valet & hic: *Medio tutissimus ibis.*

*Quies* autem mirum quantum in ægro nostro fecit. Nam vita sedentaria & lucubrationes membra corporis motu vigentia enervant & excrementitios aliosque inutiles humores aggregant, unde videmus toto die, corpora rusticorum velut perpetuo mora minus affectu hypochondriaco infestata, cum tamen quieti deditos, literatos nimirum hoc malo affligi scimus, adeo, ut malum hypochondriacum familiarem illorum plurimi statuunt morbum, ob nimiam maxime corporis quietem, sub animi motu inequie, lucubrationibus & meditationibus, & nonnunquam curis puta, & intermissos motus, & hinc ob torpente calore humidoque stagnante, vitâ sc. sedentaria & somni defectu.

*Vigilia* multas per noctes continuatæ & intempestivæ lucubrationes spiritus immodice dissipant & exhauriunt, consumpto vitali succo maciem invehunt, cruditates pariunt, vires labefactant, sensuum functiones debilitant, & nonnun-

quam



quam nimial siccitate ita assvefcunt, ut nemo non cephalalgia laboret necesse est, evocato ad laborantis cerebri præsidium igne, ut eleganter scribit *Barclajus*, ventriculus quoque vi sua non gaudet in coctione ciborum, quod quietem quandam ad illam impetrandam requirit, atque adeo somni & vigiliarum uti reciprocatione, vitæ salutique hominum natura consuluit, non solum quia isthæc vicissitudo, ut in cæteris ferme naturæ rebus jucunda & utilis est, sed quia ejus beneficio apta corporis constitutio servatur, viresque instaurantur & reficiuntur. Debent tamen hæc duo per alternas vices mutuo attemperari & modificari. *Cous* enim *I. 2. aphor. 3. & lib. 7. aph. 67.* dicit docetque: Ἀγρυπνίη, ἀμφοτέρω τῶν μετέξουσιν μάλλον γινόμενα, κακόν. Vigiliæ, si modum excedunt, magnam corpori afferunt noxam. Et *Magn. Vled.* ait in *Patholog. sect. 2. cap. 9. pag. 315.* Ausim dicere, vix tres hypochondriacos enormes offendi posse, qui, si à labe hæreditaria abeas, malum sibi non contraxerint vigiliis & somni defectu, five noctes vigilatæ fuerint studiis & meditationibus, five curis & mœrore, five, quod æque malum est inter *καυτελόμενα χίαν*, vel pocula,

*Somnus* in primis meridianus suum addit calculum & gravem affectum reddit graviolem. Posteaquam æger noster in principio morbi & antea non consueverat somno uti illo tempore, adeoque contra suam naturam & consuetudinem illi statim post prandium indulsit, calidum innatum profli-gavit & depauperavit, alios humores impuros induxit, viscera valde gravavit, appetitumque ventriculi effecit tardio-rem & languidiorem; Jamdudum & rectè *Seneca*, Vir certè inter *Romanos* sapientissimus *lib. 22. Epist. 123.* eos reprehendit, qui, ut quidam in quadam urbe *Antipodes* noctes vigilant,  

C 3

dor:



dormiunt dies, quos appellat lychnobios, i. e. lucernarios; aitque ejusmodi homines contra naturam vivere; At somnus aptissimo tempore, quod ab omnibus statuitur nocturnum, institutus recreat corpora, redintegrat vires, probat valetudinem, pacat opera & labores, confer *Tertullian. lib. de Anima cap. 43.* Interim tamen usus five consuetudo somni est sicut natura, secundum *VVillis. cap. 16. de somno & vigiliis pag. 85.* aliosque,

*Animi παθήματα* non parum & conferunt ad hoc malum. Ira enim humores præcipitat, sanguinem in motum præternaturalem citat & accendit, si nempe ira est explicita, cerebrum debilitare videtur, ita, ut ingens affectui huic præbeat auxilium.

(c) *Præternaturales* causas esse dico hepatis *primario & per se*, & lienis *secundario & κατὰ συμβεβηκός*, per accidens obstructions, a crasso, tartareo & viscoso in vasis collecto sanguine gaudentes origine.

Ex his causis affectus generatus, non mirum est, quod antea recensita, quæ significationem obtinent, sequentia haberit symptomata notatu dignissima.

In actione naturali occurrit Ventriculi langvor, qui semper huic passioni hypochondriacæ conjungitur; quemadmodum enim Poëta id propter, quod nullum viscus magis reliquis consentit, quam Ventriculus, & ab ejus bona aut mala constitutione salus & perniciēs dependet totius œconomiae microcosmicæ, stomachum totius corporis Regem haud sine ratione dixit: ita forsan, si consideratione exquisita expendo, quod plerorumque morborum causa in ipsum ferè conjiciatur, non male quoque Perpetuus vocari posset reus. Fit autem



tem in hoc affectu hypochondriaco, culina œconomix microcosmicæ ipsa male habente, quædam illius quasi prava chyli confectio, distributio, & hinc consequenter quoque sanguificatio, dum sanguis crassus, impurus pro nutritione debita per arteriam celiacam affluat, ipse modo ventriculus ob non optimam hanc *ῥέψιν* maximopere debilitatur; Nec proinde etiam mirandum venit, quod *δυσπεψία* causam esse duxero Ventriculum debilem depravatamque, exortam propter ingentem ipsius intemperiem & humorum in vasis supra adductis stagnantium colluviem, quæ facit, ut ejus fibræ sensim laxentur, & ob chylum corruptum Ventriculi coctio non tantum perturbetur, sed &, cum retortæ tubulatæ microcosmicæ immittitur, molestia eidem creetur magna.

*Flatuum* in passione hypochondriaca proventus uberimus esse solet, hi non, uti vulgo fertur, causæ morborum multorum, sed solum effectus sunt, ut in coli inflammatione; Flatuum autem culpa in hypochondriacis transfertur ad hepar, Ventriculum simulque ad lienem, quia, si vel maxime lien sinister occupet stomachi latus, fundus tamen, inquam, usque ad latus sinistrum, imo usque ad lienem & penitus ad umbilicum protenditur, sine fermento Ventriculi concoctionem *actu* fieri non posse cum *Villisio* acutissimo, *Helmontio*, *Ziglero*, *Mæbio*, *Kergero*, aliisque sagacioris ingenii viris putâro, quod fermentum autem mirum quantum perturbatur propter particulas acido-bilioso-salsas aliasque in quali & motu peccantes, adeoque fit magis destructivum. Secundo Hepar quod attinet, multo calidius liene esse non-nihilque ad Ventriculi actionem *ὡς ἐπὶ τὸ πολὺ* à calore juvare videbitur, quia stomachum fere totum arctius completitur aut etiam pancreas, quod est substratum, huic usui ma-



magis accommodum apparet; nec quisquam tamen hæc viscera solummodo eum in finem condita nempe, ut Ventriculum *in esse* calefacerent, existimabit, sed & ad alium usum nobilem præstandum esse destinata optime callebit.

Quod si vero tota Massa Sangvineae ita inquinatur, ut machinam quasi microcosmicam destrui *αὐτοψία* loquatur, non possunt non multa efficere incommoda, obstructionesq; parere haud exiguas, ut Ventriculus debilis & fermento suo debito privus, chyloque crudo plenus coctionem non tantum corrumpat primam, quæ nec in secunda, multo minus in tertia, nec in *Joan. Baptiste van Helmont, Philosophi per ignem sagacissimi* quarta, quinta, vel sexta corrigitur, sed materiam quoq; flatulentam constanter gignat, unaque cum cohobiis, seu visceribus suis suppositis reliquis depuratoriiis *κακὸν* hoc *ἔσθ* prodat, quod sanè vitium multorum ægrotorum, imprimis hypochondriacorum cum anxietate & ærumnis expertum & exploratum habeo.

*Tensiones* in hypochondrio dextro plurimis à flatibus, & hi à spiritibus perturbatis & explosis, in ventriculo & intestinis exitum negantibus, originem trahunt, &, quod hepar, lien & reliqua sangvificationi simulq; depurationi destinata *σπλάγχνα* humoribus repleta sint vitiosis, indicant.

*Βορβορυγμός* sentit æger in ventro tertio, seu inferiori ob agitados quaquaversum flatuosos halitus in intestinis & præ aliis colo. *Aestus & Ardor* quoq; molestus internus hypochondrii cumprimis dextri fit, quando vitiosi humores ex arteriæ magnæ ramis in minores effunduntur, qui interdum ab assumptis cibis fervidioribus magis magisque coacervantur ac tota facies præternaturaliter rubescit & incalcescit.



*Hæmorrhagia* ter quaterve de die velut sponte ex na-  
re dextra largè facta, & hinc insigne huic quandoq; malo  
levamen afferens, & mitigationem inducens, tum ab in-  
gentibus & enormibus viscerum, hepatis inprimis & lienis,  
obstructionibus, per quorum anfractus & mæandros libere  
pervadere sanguis non potest, sed quærit exitum, tum à sub-  
tili effervescentia & ὀρυσμῶ concepto sanguinis (Thesauri  
vitæ, materiæ & nutritionis spirituum, omniumque parti-  
um corporis, secundum scholam Parisiensem) in corpore  
plus justo rarefacti, orti ab acrimonia exitumque ἀδρόως per  
vascula capillaria dilatata in naribus quærentis, existit, unde  
vasa vel per se, vel per narium nifum lacerentur necesse est.

In *Vitali Actione laesa*, tam anxietas cordis s. Cardialgia  
oritur, quod stomachus non rite agat suum officium cibumq;  
ἡμίπεπτον in Gas, vel secundum *Scheunemannum* ex principiis  
Chimicis in Mercurium resolutum mutet, quam, quod ad  
vasa propius jacentia calidæ temperiei chylus ductus, à calo-  
re præternaturali ebulliat, hypochondria, dextrum inprimis  
distendendo; διαστολὴν cordis impediat. Nam hypochondria-  
cos præ aliis frequentissime cardialgiæ esse obnoxios, qui  
puta viscera habent debilia, ad digestionem & concoctionem  
ciborum minus apta, unde vitio primæ digestionis in altera  
non correcto acrimoniam sanguis concipit, quæ postmo-  
dum cordi communicata illud pungit & ad motum præter-  
naturalem stimulat, idque præcipue visitur, ubi corpus  
paulò fortius commovetur, scribit *Fernelius de part. morb. &*  
*sympt. lib. 5. c. 12. p. m. 208. Trincavell. l. 2. cons. 15. Highm. de*  
*aff. hypoch. cap. 6. pag. 120. Eugalen. de scorb. obs. 3. p. 236. Sennert.*  
*de scorb. c. 5. p. m. 72. ut & somnum & vigilias, (quas quoque*  
*in ægro affectu hypochondriaco laborante excedere supe-*  
*rius allegavi,) in producendo illo dolore Orificiū Ventriculi*  
D  
su-



superioris exquisito, dicto Cardialgia suum contribuere, illum puta congerendo & cumulando cruditates, has ablumendo & exsiccando humiditatem & consequenter salia acria augendo statuit *Excell. Dn. Doct. Müllerus, Medicus Aulicus Ducalis Saxonicus longe gravissimus, Fautor & Amicus meus quam aestumatissimus in Diss. suâ Inaugurali Med. de Cardialg. pag. 13.*

*In Actione Animali* dolor & ulcera dorsi confurgunt, non solum ab humoribus vitiosis & particulis falsis acidisque præsertim præditis, in stomacho stagnantibus, sed quoque à glandularum lactearum obstructione, ductus thoracici & axillarium vasorum chyliferorum, quod succus hinc pancreaticus vitiosus evadat, & in nutrimentum cedere quæ debeant, non juste sciat distribuere, ut, adeo, ἔχνημα τῆς τροφῆς lædatur.

*Tinnitum auris utriusque* instar tintinnabuli in auribus quæ percipitur, sæpe numero patiebatur æger noster, à crassis vaporibus in hypochondriis ob dyscrasiam humorum bilioso-melancholicorum excitatis sursumque ascendentibus, & hinc cerebri membranas valde lædentibus, confurgentem, unde mirandum haud erat, quod vigiliis mediam post noctem, ut & aliquando cephalalgia propter sanguinem crassis vaporibus repletum & turbatum laboraret.

Excretorum causa venit quoque consideranda.

*Alvus adstrictior* erat & valde pigra deponebat sua excrementa, tam ob hepatis & vasorum utriusque lateris calorem immodicum sive præternaturalem & consequenter inde nimiam siccitatem, quam propter pituitam crassam, viscidam & glutinosam in stomacho & intestinis pariter contentam, quæ maxime lenta est & pertinax, quia bilis, facultatem



tatem expultricem irritandi vi pollens, multa pituita obducta & impedita est, unde spiritus, humores & fibræ torpeant, ita, ut motus scybalorum à longiori mora, ob acorem fixantem & structuram fibrarum domesticam partim, partim à defectu excrementi biliosi & lymphatici diluentis stimulantisque, uti in hypochondriacis plurimis aliis quoque observare licuit, unaque cum istis scybalis sebacea materia tarde admodum procedat, adeoque alvus suum officium non satis reddere possit.

*Urina* conspiciebatur in ægroto *tenuis* & biliosa, five flammea & *valde rubra*, particulis nimirum salinis à cibis resolutis ac sulphureis abundantibus, ut dilutio sanguinis & feri proportionaliter fieri nequiverit. Notabile erat, quod *urina* videretur aliquando nigra; ast quoniam Martialia, quæ à salibus acidis, Marti adhærentibus, roduntur & ab alcalinis in colcothar præcipitantur, non raro adhibuerat æger, illis color tinctus merito adscribendus est. Alias urinam nigram non medicamenti aut alimentis, sed per se factam & excretam plerumque paroxysmum vel morbum solvere, experientia docet.

*Saliva falsa*, acida semper excernebatur, orta cum à fermento deturpato, tum à cibo ingesto non in bonum chylum, sed in materiam falso-aqueam, acidam mutata; hæc autem, postquam sursum petit, linguam, fauces & os, mediantibus glandulis salivalibus, fermento ut plurimum acido excessivo præditis, humiditate tali vitiosa replet, auget & abundat, ut continuo æger ejuscemodi salivam exspuere cogeretur, unde hypochondriaci ab *Illustr. D. Wed. Medico Consummatissimo, in Theorematis Part. 2. Sect. 5. Introd. Med. ad læs. mech. corp. reliq. var. pag. 75. §. 45. & à Sylvio Pr. Med. append. tract. VII. §. 189. recte vocantur sputatores.*



*Ructus*, post cibum tempore præsertim meridiano sumptum, aderant aliquando nidorosi, aliquando acidi; *Hi* stomachi intemperiem sequuntur frigidam & humores frigidos respectivè viscidos, pituitosos acidosq; in Ventriculo copiosissime redundantes manifestant; *Illi* contra ab acido-biliosis in corpore humano & quidem stomacho collectis excrementis æq; ac alimentis aromaticis calidioribus, corruptioni obnoxiiis exorti sunt; quibus de ructuum generibus *Pergamenus* quam elegantissime scribit, si ventriculus, inquit, *nidorosus* quosdam vel fumosos edit ructus, quod immoderatus & igneus in eo sit calor; si *acidus*, inbecillus & infirmus, *lib. 2. de aliment. facult. c. 6. & lib. 3. de Caus. sympt. cap. 1. dicit: Ructus* κνιστώδεις ἐπὶ τοῖς θερμώτεροις τε καὶ χολώδεσσι οἰσμοῖσι συμπίπλῃσιν, ὀξωδεις ἐπὶ τοῖς ψυχρώτεροις φύσει καὶ φλεγματώδεσσι, *nidorosi calidioribus & biliosioribus cibis accidunt, acidi verò frigidioribus sua natura & phlegmaticis. Extat & hanc in rem elegans observatio apud Lomium observat. Med. lib. 2. pag. 76. de acidis ructibus solis in affect. hyoochondriaca & in primis secundum Rolf. Epit. affect. particul. lib. 3. cap. 11. pag. 244. Ructus, ait, acidi hyoochondriacos notant, sed non solum acidi, verum quoque nidorosi.*

Curatio sic instituta erat, ut Medicamenta Martialia aperientia tantum in liquida, non comode sicca forma, rectè parata, à peregrinis salibus, sanguinis massam liberantia, obstructions viscerum hepatis in primis mesenterii & lienis tollentia, cum Diætæ bene ordinatæ observatione in ægro nostro (non laborante malo hyoochondriaco hæreditario, sed adventitio, & ut rectius loquar, ab animo, i. e. curis, meditationibus & lucubrationibus ut plurimum inducto, ut sicco pede aliarum differentiarum huic affectui moroso & atrocissimo, cum propter humorum & complicationum varietatem

tum



tum propter ægrotantium mutabilitatem medicamenta aut averfantium, aut Medicos sæpe hos, l. illos, accersentium, rursusq; fastidientium, interdum dicatarum præteream; Alias notum esse existimo, quod instituta in talibus curatio respuatur ex morboſo Parentum ſemine, tanquam ex traduce in liberos in ſupra dicto malo hæreditario hypoch. aliisq; propagatis morbis compluribus, ut arthritide, calculo, phthiſi &c. Spiritum enim ſubtiliſſimum & materialem, originem debentem Luci materiæ ſimpliciſſimarum ſimpliciſſimæ, maxime activarum maxime activæ, fortiſſimarum fortiſſimæ, Excellentiſſimarum Excellentiſſimæ, verbo, Archæum, ſi vel maxime corrigere, omnino tamen Medicus tranſmutare non poſſit,) ferè ſufficere viderentur *Tinctura puta tartari, tinct. Martis aperitiva Mynſichti, vel ſola, vel cum Eſſ. ligni vel cum tart. Tinct. mart. cærul. & cydon. VVedelii, aperitiva Ludovici antimoniatæ ſ. metallica ex regulo martis, venere ac Jove parata, c. Eſſ. anthypoch. Tinct. vitrioli martis Zvvölferi.* Mars enim, paſſim vocatur Panacea Hypochondriacorum, obſtructionum aſylum & viſcerum labalcentium Refocillatio, vid. *Poter. Obſ. Curat. C. 3. c. 22. pag. 228. Billich. lib. 2. c. 10. Obſervat. pag. 141. Grembf. Arb. V. lib 3. c. 3. de Remed. Paracelſ. pag. 492. §. 11. hypochondriorum impr. reſerator & deobſtructor, conf. Diſſ. Rolf. de Ferro. c. 8. p. 16. & ſanitatis cuſtos & reſtaurator nobiliſſimus, leg. Excell. D. D. Gothofred. Mæbii Diſſert. de affect. hypoch. pro loco Jenæ habitam.*

*Essentia hypochondriaca D. Timæi à Gilden-Klee/ quam deſcribit poſt Epistoſas ſuas Medicinales, talis eſt:*

Recip. Limat. Mart. ſubtiliſſ. unc. ij. irrorentur Sp. Vitriol q. ſ.

Mixta ſtent in vaſe vitreo per triduum, poſtea



## Casus Medicus

Stea affunde Vini albi generosi libr. ij. digesti-  
one per 7. dies, agitentur quotidie aliquoties,  
in colatura infunde:

Trochisc. de capp. drachm. vj.

rhab. unc. sem.

Spec. diarhod Abb. drachm. ij.

diatrion sandal. drachm. j.

aromat. rosat. drachm. isem.

Crem. Tart. drachm. ij.

Fœcul. bryon.

Aaron. à scrupul. ij.

Sal. fraxin. cich.

absinth. à scrupul. j.

Croc. or. drachm. j.

Mixta digerantur in MB. per triduum, postea  
colentur, colatum ad medietatem abstrahatur  
per destillationem, residuum servetur in Vitro.

Dos. est à scrupul. sem. ad drachm. j. ex juscu-  
lo carniū, aut alio liqore convenienti.

Chimici quoque utuntur hîc feliciter terra, quæ repe-  
ritur circa mineram martis, cum participet de marte & mul-  
ta præstat obstructione. Potest autem in marmore læviga-  
ri cum aquis appropriatis leg. *Zacut. Lusit. in Prax. Histor. Lib.*  
*3. obs. 3. Diesspoliticum Galeni* in malo hypochondriaco & me-  
lanch. hypochondr. cum cruditate Ventriculi singulare præ-  
fidium & arcanum est, quo plurimi hypochondriaci ad ex-  
tremam deventi maciem felici cum successu curati fuere,  
teste *Fabro & Bartoletto*, vid. *Bierling. Thesaurus Theoretico-*  
*Pract. p. m. 332. & Michaelis Opera Practica Part. I. Lib. 4. de Morb.*  
*Abdominis cap. 32. de malo hypochondr. pag. 173. Matth. Martin.*



*Tr. de affect. hypoch.* Setonem in regione splenis commendare in affect. hypoch. scribit *Noster Perillustr. & Excell. VVedelius in Exercit. Medico-Chirurg. de Setaceis, pro Loco in Alma Salana undiqvâq; celeberrima habit. cap. 3. pag. 8.*

Diaphoretica quidem quibusdam conveniunt hypochondriacis, quia per sudorem alias ex sententia plurimorum Medicorum, tertia ferè morborum humanum corpus infestantium pars curetur, non tamen æq; omnibus, maxime emaciatis, cum secundum *Hippocratem lib. 2. de victus rat.* sudores omnes exeuntes, siccent & attenuent, corpusque humore privent.

Huic igitur sine diaphoreticis & sudoriferis dabatur potius *Lac & serum lactis* vaccinum & caprinum calidum, emaciationi totius fere corporis, ab igne præternaturali, seu exuperante, in qvâ agente, & haud sufficiente aqua, in qvâ patiente, secundum *Coum*, inductæ resistendo, id quippe nullum contraindicans, sive prohibens fuit, propinabatur haud infeliciter. Nam lac & serum lactis omnis animalis est salutaris anchora, cum siccitates urgent, irrorat siccos, emollit crassos, rarefacit & attenuat viscidos in corpore microcosmico humores. Alvum & absq; aliqua mordacitate, teste *Curione comment. in Schol. Salernit. c. 36. p. m. 204.* leniter subducit, & ratione occulti alkali volatilis, qvôd serum ex sententia *Ottonis Tachenii in Hippocrate, Chemic. c. 13. pag. 18.* gerit, refrigerat.

Potione elegante & salubri ē *rad. cich. hepat. nobil. sem. anis. fœnicul. coriandr. fol. salv. bet. rosm. ros. & parum Theæ*, quam hypochondriacis inprimis, spleneticis aliisq; auxilio esse moderate sumptam & per se quoque existimâro, frigide usus est æger & aliquando tepide; Et licet æger loco Theæ *Copham* lu-



lubenter bibisset cum aliis supra laudatis mixtam; attamen, quoniam biliosis & sanguine crasso præditis minimè convenit, non concedebatur, sanguinem enim particulis adultis vitando nutritionem impedit, spirituum meatus obstruit, & semen imminuit, unde multa mala quoque alia exinde orta *Illustr. VVellis. & Tozzi* observarant.

Decoctum Hepaticum & Electuarium quoddam refrigerans ad intemperiem calidam hepatis moderandam magno cum emolumento non raro adhibebantur;

R. Rad cich. vincetox.,

aristol. galang.

samb. asparag. à unc. j.

herb. cochl. hepat. nobil.

agrim. tarax. à M. sem.

fl. cich. epat. nobil.

samb.

cyan. à p. j.

sem. anis. cary. à unc. sem.

C. C. M. pro Decocto,

Dos. cyath. i. à meridie & vespert.

R. Conf. fl. cich. ros.

viol. à unc. j.

hepat rubr.

Ebor  $\text{L} \Delta$  à drachm. sem.

c. f. q.

Sirup. fragor. F. l. a.

Electuarium.

D.

in pyxide

S.

Sonderliche Kühl- und Leber Latwerge.



## De Affectione Hypochondriaca.

33

Cautela quoq; notanda est de Medicamentis hepar exterius refrigerantibus, nam in refrigerando hepate, inquit *Gvilielm. Rondeletius de Medicament. externis p. m. 1049.* plus est periculi, quam in calefaciendo, adeoque non tam alterandum hepar, quam sanguis, quo vasa illius pleniora sunt. Si igitur externa Medicamenta adhibentur in hoc affectu, quædam calida frigidis medicaminibus non nimis adstringentibus semper esse admiscenda putamus, ut *Emplastrum Sandalinum*, quod describitur in *Pharmacop. August. Reformat. Zwölferi p. 529.*

Radices cichorii condit. conserv. ros. viol. confect. fl. cich. in *αἰσθητικὰ* jecoris & ventriculi valde commendabatur à Viro quodam magni Nominis, propter virtutem refrigerandi quoq; jecur, aperiendi obstructions, abstergendi bilem & avertendi massæ humorum & succi nutritii corruptionem, cum Ventriculo nihil interant damni. Nam Ventriculus inungebatur Ol. Cydon. NM. express. Res. Mastich. leg. B. Dn. *Wolffii P. P. Helmstad. Tract. de mlaō hypoch.*

Ad liberandum autem archæum, & suaviter ac blande educenda elutriandaq; scybala duriora in principio morbi applicabantur Cysteres ex rad. lil. alb. alib. malv. helen. glycyrrh. herb. s. emollient. melilot. hyssop. cerefol. fl. chamom. s. & R. samb. sem. lini, fenigr. anis. cartham. caric. pingv. alijsq; apparati & interius pilulæ laxativæ quas inter quoque maximè laudari merentur *Excellentissimi, Dn. D. Christian-Friderici Gerberi, Fautoris & Amici mei æternum venerandi pilulæ laxativæ mihi communicatæ R. res. Aloës Gialap. scam. a. q. v. f. pilu. l. d. Scrupul. j. pro dosi senn. scorz. & similibus insigni non sine ægri fructu assumebantur.*



Fontem ultimum & hujus loci ferè primarium *Dieteticum* nunc adgredior.

In Vitali *Aer* non nimis sit ficcus, crassus, densus & nebulosus, ast temperatus, quietus, purus; Nam præeunte *Phyllidio Comico*,

-- μέγιστόν ἐστιν ὑγιείας μέρος,  
τὸ τὸν αἶρ ἔλκειν καθαρόν, ὃ περισωμένον,

-- Sanitatis, pars hæc est potissima,  
haurire purum spiritum, non turbidum.

Si verò talis non est, arte, *suffitibus* sc. odoratis ex *benzoë*, *thure*, *ladano*, *mastiche* *styrace*, *calamita*, *granis juniperi*, *suffimento imperiali Mynsichti*, vel *pulvere odorato* & *aqua odorifera Dorncreilii* paretur & alteretur.

In Naturali Cibi tantum *εύχυμοι*, *εύπεπτοι* & *εύώδες* conveniunt; crassi, viscidi ac fumo indurati, ne obstructions hepatis augeantur, novæque in aliis visceribus producantur, dulces & acidi *respectivè* & *κατὰ τὴν secundum quid*, mucidi ac rancidi acres & falsi, qui humorum fermentationem excessivam acrimoniam malumque promovent; porrò alimenta in-fermentata aut valde composita, legumina, lacticinia, fructusque immaturi vitentur: item, qui flatus vaporesque generant & excrementitios humores producant, ut *pisa*, *castaneæ*, *fabæ* *olera* & qui cibi cum aceto acerrimo parantur. Exprimit conjunctim hæc noxia, & ut in aliis morbis pluribus, in hoc quoque vitanda Poëta:

Acrida ne mandes, nec quæ sint plena vaporum,  
Nec lentes, cepas, allia, porra, fabas.

Panis quoque, omnium alimentorum *theriaca*, sit bene fermentatus. Qui enim parum fermenti habet, ponderosior est  
ac



ac postulat robustum & laboribus deditum corpus, ut prolixius scribit *Sperlingius lib. 5. Carpolog. cap. 4. p. 171. & 172.* Aromata, quæ bilem augent, sanguinem spiculis acutis rarefaciunt & ficcant, sulphur exaltant, & sal volatile acuunt, præsertim piper, particulis sulphureis, aëreis & mercurialibus constans, cum valdè sit suspectum, in statu calido & sicco, non *in fieri* sed *in esse* haud sunt adhibenda. Cinamonum, quod non tantum calefacit, sed & ficcet, cum primis si saccharo commistum est, ægro nostro non concedebatur; Præ cæteris omnibus utebatur *radicibus cich. condit.* Supra jam laudatis. Alias Aromatica calida hypochondriacis solatio sunt, & profunt, ubi fixi magis sunt humores, vid. *Vvedel. De Med. Facult. Cogn. & Appl. lib. 1. Sect. 1. cap. 2. de Princip. Cognosc. pag. 12.*

Potus sit cerevisia tenuis benè detæcata & fermentata, hordeacea, iusta dosi bibenda, recens acidaque rejicitur ex *Schola Salernitana p. 137.*

Non acidum sapiat, cerevisia sit bene clara,  
Ex granis sit cocta bonis satis ac veterata,  
De qua potetur stomachus non inde gravetur.

Laudatur quoque *Sicera* secundum *Plinium Lib. IV. cap. XVI.* ambitu suo & latiori significato illa vini factitii genera, continens e pyris, cerasis nigris, omnibus malorum generibus, mespilis, moris, aliisque. Vinum vivum, h. e. purumputum, non mixtum, aut aqua dilutum, quod *merum* Latini Scriptores appellant, & Græci per vocabulum ἀκρατον, Hebræi vero per שרץ καὶ ἐξοχὴν indicant, vel admodum parcè & secundum effatum *Coī to ὀλίγον, μέτερον*; vel penitus non, nisi vinum aquâ aliove liquore commixtum, quod per יין explicatur, leg. *Bemidbar rabb. f. 240. cap. 3.* indulgendum, Hispanicum, Hungaricum, Rhenanum & Francicum, ob parti-



las sulphureas & balsamicas excedentes non solum, sanguinem reddentes calidiorē & inflammabiliorem, sed etiam ob virtutem suam, licet non *substantialiter*, tamen *qualitative* siccandi præcellentem, & partes acidas, præcipue vinum Francicum, fermentum ventriculi plus iusto acuentes, ita, ut chylum inde acriorem ad massam sanguineam delatum affectionem induxisse hypochondriacam, à Practicis observatum sit.

In Animali Motus corporis sit moderatus, ante cibum deambulet, ut calor quidam sic concilietur Ventriculo. Nam rectè dicit *Vallesius in Comment. lib. 6. Epid. Hipp. Sect. 3. pag. 589.* exercitationem esse salutare, quæ ducit usque ad lassitudinem mediocrem & sudorem æqualem vaporosum & ad tumorem & ruborem quendam partium & tunc dimittitur. Post cibum autem certò respectu abstinetur à motu, si enim chylus nondum præparatus, sive immaturus, verbo, chymus ex orificio stomachi dextro propellitur, cruditates, flatus & inde alia mala consurgunt majora. Quies ita instituat, ne membra corporis microcosmici sedentaria vita & lucubrationibus marcescant, ad motum reddantur ineptum & excrementa haud exigua gignantur, secundum elegantissimum *Ovidii* consilium:

Cernis ut ignavum corrumpant otia corpus,

Ut vitium capiant, nî moveantur aquæ.

Somnus extendatur ad 8. horas, meridianus in ægro nostro evitetur. *Vigiliae* & lucubrationes, quantum licet, vix ac ne vix quidem celebrentur, plus enim ordine, quam multis lucubrationibus & meditationibus tutam fere per noctem peractis discitur. *Alvus* semper sit aperta & quotidie ad minimum semel excrementa deponantur, Inter animi pathemata Iram imprimis spiritus & humores satis jam perturbatos com-



motosque mirum in modum alterantem & passionem hanc augentem hypochondriacam aliosque vehementiores animi affectus è suo confortio proſcribat, etenim alias prona ad alia mala habetur via, legi poteſt *libellus Joan. Vieri de Ira, Morbo*, ubi prolixius dicitur, quid immoderatio*r* ira ad hunc noſtrum affectum tribuere poſſit, & *Gualteri Charleton Exercit. Patholog. 8. de Animi Affect.* Notabile verò eſt *Hippocratem lib. de fiſtul. c. 5. t. 6. παροξύνειν τὸν ἀνδραπῶν*, hominem ad iram concitandum, jubere, quod cum grano ſalis eſt intelligendum, reſpicit enim cauſſam frigidam, pituitoſam, frigidis autem iram remedio eſſe, alibi jam *Cous* dixerat.

His claudo, ultimo adhuc ægro relicto ſalutari præcepto: Uſi plurimi ſola Diæta bene ordinata affectionis hypochondriacæ fuere liberati; ita noſtro Litterato, ſi in ejus adminiſtratione deliquerit, parum adjuventi ferè ulterius ferent Medicamenta, excepta *Mixtura Anthypochondriaca* mea ex *anif. acor. v. Cort. citri, auront. fœnicul. lavender. meliſſ. menth. rub. tinct. ſamb. ceras. nigr. hepat. nobil. agrim. chamomel. Rom. charyoph. cinamom. ſandal. rubr. & roſ. rubr.* probe præparatis mixta ſtent in vaſe ligneo per 14. Dies nocteſque, vel uſque ad fermentationem & cum fecibus vini deſtillatis conſtante, Nam licet à via regia in Diæta accurata, de qua ægro noſtro ſæpe numero dicere non de nihilo eſſe exiſtimavi, obſervanda deviare & poſtea de hypochondrio dextro aliquando conqueri videretur; Nihilo tamen minus, *Mixtura anthypochondriaca* ſupra memorata horam intra unam. vel ad ſummum duas poſt prandium & coenam in doſi certa adhibita & continuata, tenſiones à flatibus incarceratis, æſtuationes & dolores inſignes internos hypochondrii dextri cumprimis, à mala Diæta ratione in ægro noſtro, viciffim trahentes originem,



statim mitigâsse & sensim sentimque cessasse fuit animadversum. Hæcce de morbo litteratorum, sive Affectione Hypochondriaca dicta, B. L. sufficiant; Si quæ justa ceperint, & ex istis quædam placuerint, mihi met gratulaturus.

DEO verò Summo sit Laus, Honor atque Gloria in secula seculorum pro concessa Gratia!

## COROLLARIA.

### I.

Non omnis productio ex subjecto proprie est generatio, nec omne subjectum ex quo producitur aliqua substantia completa.

### II.

Mathematicas demonstrationes esse evidentiores physicis demonstrationibus unusquisque confitebitur.

### III.

Mathematici anni notitiam, Physici anni notitia, longe nobiliorem & præstantiorem esse, id Eruditis haud ignorum putâro.

### IV.

Sal in aqua resolutum videri nequit.

### V.

Unam aquam alia graviorem esse Physicorum sententia rectè se habet.

### VI.

Omnia corpora, quatenus corpora sunt, ex sicco & humido constare persvasum habeo.

### VII.

Semen vivere cum Aristotele, Thoma à Vega, Scoto, Fernelio aliisque contra Platonem, Themistium, Galenum. Vallesium, Peramatum, & alios nunc temporis viventes statuimus.

Re-



II X.

Respiratio s. n. neque refrigerat, neque calefacit.

IX.

Pulmo non respirat, nec ut follis sese gerit, quamvis Substantiæ sit spongiosæ, infinitis gaudentis cavernulis, in quas hauritur aer, & ex quibus iterum exprimitur.

X.

Oculus an auri sit nobilior, disputatur inter Eruditos; Mihi vero Auris oculum suo modo antecellere videtur.

XI.

Experientiam sine Ratione, quæ nobilior illâ, & vice versa in Medicina consistere non posse statuimus.

XII.

Sicque Medicinam veram esse conjecturalem secundum quosdam Medicorum haud existimamus.

XIII.

Bonus Theoreticus, non est semper bonus Practicus.

XIV.

Simplicem aquam elementalem arte destillatoria, contra egregios nonnullos Chimicos hoc statuentes, producere nego atque pernego.

XV.

Colcothar, quò siccius est, inque pulverem dilabitur proximum, eò citius attrahit ex aëre humidum.

XVI.

Anatomiae & Chimiæ cognitio Medicum efficit perfectiorem & celebriorem.

Elen-



# Elenchus Medicorum & aliorum, quorum mentio fit in hoc Casu Medico.

A.

Almelouius.  
Aristoteles.  
Anonymus.  
Asellius.

B.

Barbatus.  
Barclajus.  
Bartholinus.  
Bartolettus.  
Bernidbar.  
Bierlingius.  
Billichius.  
Blasius.

C.

Cæsalpinus.  
Charleton.  
Comicus.  
Crato.  
Curio.

D.

Democritus.  
Dorncreilius.

E.

Eugalenus.

F.

Faber.  
Fernelius.

G.

Galenus.  
Gerberus.  
Gorræus.  
Gegnerus de Graaf.  
Grembsius.

H.

Harvæus.  
van Helmont.  
Highmorus.  
Hippocrates.

K.

Kergerus.

L.

Lommius.  
Ludovici.

M.

Martinus Madh.  
Martini Daniel.  
Michaëlis.  
Mœbius.  
Müllerus.  
à Mynsicht.

O.

Ovidius

P.

Paracellus.  
Pecqvetus.



# De Affectione Hypochondriaca.

41

Plinius.	Tauri.
Poterius.	Tozzi.
R.	Tertullianus.
Rolfincius.	Timæus à Gilden-Rlee.
Rondeletius.	Trincavellius.
S.	V.
Schenckius.	Vallesius.
Scheunemannus.	Virfungius.
Schola Salernitana.	W.
Schola Parisiensis.	Walæus.
Seneca.	Wedelius.
Sennertus.	Wierus Joan.
Servita.	Willisius.
Socrates.	Wolffius.
Sperlingius.	Z.
Sponius.	Zacutus, Lusitanus.
Sylvius.	Ziglerus.
T.	
Tachenius.	



F

Illu.



Illustris  
Facultatis Medicæ Jenensis  
Decane Spectatissime,  
Assessores quam gravissimi,

VIRI

*Magnifici, Amplissimi, Excellentissimi  
& Experientissimi,*

Patroni, Doctores & Promoto-  
res Colendissimi,

**Q**Uum ante annum & quod excurrit placuerit Illustris Fa-  
cultatis Medicæ Decano maxime spectabili Aphorismus III, Lib.  
V.



V. Hippocratis, in Consistorio Illustri à me resolvendus; At lubenti animo confitendum venit ingenium meum accuratius paullo illum explanando haud capax esse; spe itaq; nitor certissima, futurum, ut *Vestræ Magnif.* omnia in medium proferentia haud in sinistram interpretaturæ partem.

Quapropter jussu *Vtr. Magnif.* initium faciam illius Aphorismi, ita sese habentis:

Ἄμα πολλὰ ρυέν, σπασμὸς ἢ λυγμὸς ἐπιγεόμεν, κακόν.

*A copioso sanguinis fluxu singultus aut convulsio, malum.*

Quibus verbis nihil aliud innuit, quam si v. g. Dysenteria quis laborat, quæ ab acido magis minusve corrosivo tum in massa sanguinea, tum in intestinorum potissimum volumine & glandulis oritur, quod experientia & medicamenta ipsa in hoc morbo probata testantur, quæ, dum fermentum peregrinum sanguini admixtum & miasma corruptivum, modo conceptum, modo illatum, disjiciunt, & extra corpus suum eliminant, quæ, dum acidum infringunt, temperant, demulcent, involvunt, dysenteriae medentur. Sed sicuti haud omnia acida æque corrosiva; ita nec illorum tensiones, irritamenta simulque rosiones in fibris nerveis existentes æque dolentes sunt, nec inde orti spasmi vel singultus dolorifici; aut si sint vehementissimæ energiae, statim atq; partes attinget, eas mortificabit ad indolentis cauterii instar, & statim sine omni dolore egerentur sanguinolentæ feces certo ægri interitu.



Interim, si vel maxime omnis copiosus sanguinis fluxus difficilis sit morbus, inprimis si ex illo oritur convulsio vel singultus, adeo, ut tale additum tali, gravis morbus gravi alteri, reddat illud magis tale, tamen neque hic meretur alias *θανάσιμος* lethalissimorum nomen, neque *θανάσιμος* in hoc aphorismo tertio, ut in primo & secundo hujus libri quinti, ab Hippocrate divino, sed *κακός* vñ *σ* malus, non lethalis absolute, actu & per se: at respective, potentia & per accidens pronunciat morbus. Siquidem ita solet *Cous* ea symptomata vocare, quibus periculum præsentaneum & mors ipsamet sæpenu-mero & *ὡς τὰ πολλά* ut plurimum supervenit. Siquid vero magis minusve differre hæc nomina inter se videantur, majus per vocem *θανάσιμος* periculum, quam per *κακόν* significabitur, inprimis autem, si ex illo sanguinis fluxu cum additamento copioso consurgit singultus, vel convulsio, quæ partim propter causæ efficientis, partim propter partis affectæ magnitudinem & *δύναμιν* sæpe sequitur, nimirum, quoniam exhausta lymphæ rorida evacuatione sanguinis in fibras nerveas importatur singultus vel convulsio, & *Cous* ipse aphorism. 39. lib. 6. dicit, *λυγρόν, γινόμενον ὑπὸ κενόσι*, singultum nasci ab inanitione; *ἔτω καὶ σπασμόν*, eodem quoque modo convulsionem & singultum modo convulsionem æmulari, modo revera convulsivum esse, illum ab errore externo; hunc à facultate læsa magis, nam consensus nervorum intimius affectorum diversarum partium sese exerit, vid. *Excell. VVed. lib. 5. in Aph. 3. Hippocrat. pag. 192.*

Singultus itaq; ex dictis est species convulsionis; at convulsivus ventriculi motus, qui in singultiendo accidit, convulsio quidem in totum non est, utpote, quæ in solis accidit musculis ac nervis, motui naturali sacratis, vel iis par-  
tibus



tibus, ubi motus regnat voluntarius, notum enim & perspectum unicuique Anatomicorum arbitror, ventriculum, nec ipsum esse muscolum, nec os ejus, sed in tantum h. e. οἷον σπασμὸς, quasi convulsio, ut verbis utar Galen. lib. 3. de caus. sympt. c. 2. Hinc ob mordacitatem humorum acrium, quæ non raro hæmorrhagiarum quoque est causa, singultum interdum accidere Pergamenus lib. 8. de comp. pharm. sec. loc. 3. & lib. 3. de Med. facile parat. c. 202. singultum aut ex repletionem, aut ex inanitione, ut hoc loco propter præcedentem fluxum sanguinis copiosum, & seqq. excitari docuit.

Qvale exemplum notatu dignum mihi superiori anno Mens. Sept. in civitate Sprembergensi, patria mea carissima monstravit αἰσθησις in Ianionis alicujus, nomine Streiti filia quinque ferè annorum, tenerioris texturæ corpore, jam novem per dies laborante Dysenteria una cum singultu vehemente, & in singultiendo cibum & potum, quem tum demum ingesserat, & Ventriculo coctionem ulteriorem peragendo immiserat sæpissime evomente ob prægressum diætæ errorem: Ad morbum hunc gravissimum una cum symptomatibus atrocissimis tollendum, licet varia Medicamenta adhibuissent in filia ægra parentes; omnia tamen frustranea videbantur, quod alias κακὸν malum dicitur à Rhodio divino, medicorum omnium principe lib. 7. aph. 3. me postea à parentibus mortuissimis, interitum filiæ flentibus, acersito, statum ægræ, sceleton ferè æmulæ, vidi miserrimum; simulac, præmissō leni purgante ex rhabarb. ad cacochymicam saburram evacuandam, ob texturam enim mechanicam & electionem debitam necessariam aloem, esulam, gialapam, colocynthidem Dysenteriam non admittere alibi probavimus, Empla-



*strum de Tacamahaca, mastiche, storace, ladano & Theriaca Andromachi* parum, sangvinis cum fæcibus fluxum copiosum, longo qvi duraverat tempore, sistendum & *Spiritum menthæ* cum cerevisia tepida, qvia ægram â medicamentis summa cum vehementia abhorrere propinandis cum menstruis appropriatis videbatur, interius adhibendum, præscripsi. Decimo verò tertio morbi die per Medici summi gratiam & benedictionem singularem haud infeliciter magno cum parentum gaudio sanata fuit. Notandum & non immerito mirandum alias est, in dysenteria præferri *lac muliebre* Senn. lib. de Dys. pag. 139. Galen. I. 10. de simpl. med. facult. Hild. lib. de dysent. pag. 48. Hic inprimis *Lac muliebre* in dysenteria summopere convenire scribit; nam & p. 58. id sequenti confirmat exemplo, qvò merito hîc lectu & reperitu dignissimum duxi. Anno 1607. inquit, puellum trium circiter annorum ætatis N. N. ex longo & desperato fluore alvi, modo dysenterico, modo lienterico curandum habui, cui multa tum interna, tum externa, adhibui medicamenta, sed frustra; Tandem, cum de recuperanda sanitate parum spei superesset, & mater de novo peperisset, svasi, ut puellam recens natam nutrici alicui committeret, & puellum triennium, jam â diuturno morbo, viribus planè exhaustum, denuo lactaret: Paruit consilio, resque tam feliciter successit, ut paulatim constricta sit alvus, viresque ita recuperatæ, ut puer curatus sit.

Verum enim vero convulsiones, quæ motus dicuntur involuntarii, sive præternaturales, motui voluntario, sive naturali accuratè oppositi & contradistincti, in intestinis potissimum nil aliud sunt, quam tormina, ab atrabile, secundum Senem divinum originem trahentia, aut atra bilis, teste Galeno, de



de acerbitate, mordacitate & acore manifeste participat, aceto similis est acerrimo, nisi quod crassior & causa erosionis sit *Lib. de atra bile c. 3.* sicque erosionem magnam copiosus sanguinis fluxus, hunc ἰγερσις nervorum stomachi & parietum intrinsecus, qui fit evacuatione nimia sanguinis, & consequenter irritationem partium supra jam laudatarum sequatur necesse est singultus vel convulsio.

Ne verò abutar *Vtrar. Magnif.* favore & benevolentia, finem hujus aphorismi facio & grates pariter ago habeoque humillimas non solum pro fidelissima & integerrima studiorum meorum manuactione doctrinaque, aliisque in meam tenuitatem aliquot per annorum spatium collatis beneficiis, sed & mihi tributis Artis Medicæ honoribus & Privilegiis summis; Deum igitur Ter optimum Terque maximum, Cœli mundiue Rectorem supplicibus veneror votis, precibusque dies atque noctes imploro devotissimis & ardentissimis, velit *Vestras Magnificentias*, Academiae Jenensis celeberrimæ, & imprimis totius orbis Medici columnas firmissimas, Promotores, Doctores, & Benefactores meos venerandos, quorum auxilio Artem Medicam me docuit, & ad Honores summos in illa legitime acquirendos adduxit, clementissimè tueri, eorumque beneficia in me ubertim collata cœlitus illis benedicendo recompensare, istosque Pyllos per annos sospites, florentes quam constantissime præstare & incolumes, quo Auditorium Medicum eruditionis vestræ per totum terrarum circulum notissimæ radiis, in Oculo Medicinæ *Anatomia*, curarum multarum Solatio *Chirurgia*, in dulcissima illibata *Flora*, Speculo Medicinæ præcellentissimo *Theoria*, in  
Do-



Dogmatica solida notitia viam ad ægros, lecto præsertim affixos, invisendos & curandos, sternente *Praxi*, ut & in Herculeo fulcro & totius Meditrinæ Corona Regia politaque columna *Chimia* magis magisque illuminetur, & de benevolentia Vestra singulari nunquam non gaudere possit. Quod reliquum est *Vestrarum Magnificentiarum* favori me ulterius volo commendatissimum.

FINIS.

## Corrigenda.

Pagina 13. lineâ 7. lege: Ἐγγυμῶδες. p. 15. l. 1. demonstrat. p. 16. l. 8. Cratonis. p. 19. l. 21. ἀμοιβέμεναι. p. 26. l. 7. consurgunt. p. 27. l. 24. salso-agveam. p. 28. l. 6. redundantes. l. 10. si. pag. 33. l. 13. ἀντιπεραξία. l. 19. malo. l. 26. Friderici. l. 28. pilulæ. l. 29. sennazæ, addatur: decoctum ex fol. senn. p. 34. l. 12. styrace calamita. l. 21. fructusq. l. 26. ita in hoc. p. 35. l. 11. supra. l. 14. Cogn. l. 16. rejicitur. p. 36. l. 29. totam. p. 37. l. 18. aurant. fœnicul. l. 26. anthypochondriaca. p. 39. l. 9. auris. l. 20. contra. p. 40. l. 4. Regnerus. l. 17. Matib. pag. 45. l. 3. eler: